



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ք. Երևան

14.05.2021թ.

Ո Ր Ո Շ ՈՒ Մ
ՀՀ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ
ՔՆՆՈՂ ԱՆՁԻ
թիվ ԳԲՔԱ-ԼՕ-2021/31

Նախագահությամբ՝ ՀՀ գնումների հետ կապված բողոքներ քննող անձ Լ. Օհանյանի
Քարտուղարությամբ՝ Ռ. Մկրտչյանի

Պատվիրատու՝ «Զարիշատ (Արամ) Մարտինի Մկրտչյանի անվան Արմավիրի ԲԿ»
ՓԲԸ

Բողոք բերող՝ «Պրոֆտեստ» ՍՊԸ

Մասնակցությամբ՝
«Զարիշատ (Արամ) Մարտինի Մկրտչյանի անվան Արմավիրի ԲԿ» ՓԲԸ-ի
ներկայացուցիչներ՝ Պ. Սեդրակյանի, Ա. Դանիելյանի,
«Պրոֆտեստ» ՍՊԸ-ի ներկայացուցիչ՝ Թ. Տարախչյանի

Գնման ընթացակարգի ծածկագիրը և առարկան՝
«ԶՄՄԱԲԿ-ԳՀԱՊՁԲ-18/21» ծածկագրով գնանշման հարցման ընթացակարգ,
հեմոդիալիզի համար անհրաժեշտ ջրի մաքրման համակարգի ձեռքբերում

ՀՀ գնումների հետ կապված բողոքներ քննող անձը (այսուհետ նաև՝ Բողոքներ քննող
անձ)՝ քննության առնելով «Պրոֆտեստ» ՍՊԸ-ի (այսուհետ նաև՝ Ընկերություն) կողմից
14.04.2021թ.-ին ներկայացրած բողոքը (այսուհետ նաև՝ Բողոք) և կից փաստաթղթերը,

Պ Ա Ր Ձ Ե Ց

1. Գործի նախապատմությունը

Դիմելով ՀՀ գնումների հետ կապված բողոքներ քննող անձին՝ Ընկերությունը ներկայացրած բողոքով խնդրել է պարտավորեցնել «ԶՄՄԱԲԿ-ԳՀԱՊՁԲ-18/21» ծածկագրով գնանշման հարցման ընթացակարգը կասեցնել, քարտուղարին փոխել արձանագրությունները, պայմանագիր կնքելու առաջարկը, քանի որ համապատասխան ժամկետներում չի կատարել իր պարտավորությունները:

Բողոքներ քննող անձին բողոքը մակագրվել է 13.04.2021թ.-ին:

Բողոքներ քննող անձի 14.04.2021թ.-ի թիվ /ԲՔԱ-ԼՕ/1/5593-2021 գրությամբ բողոքը վերադարձվել է՝ բողոքում առկա թերությունները վերացնելու համար:

Ընկերությունը 14.04.2021թ.-ին ներկայացրել է բողոքի շտկված տարբերակը, որը նույն օրը մակագրվել է Բողոքներ քննող անձին:

15.04.2021թ.-ին www.gnumner.am կայքում հրապարակված հայտարարությամբ բողոքը ընդունվել է վարույթ և տրվել է թիվ ԳԲՔԱ-ԼՕ-2021/31 համարի ծածկագիրը:

23.04.2021թ.-ին, 29.04.2021թ.-ին և 14.05.2021թ.-ին նշանակվել և հրավիրվել են նիստեր:

Գործի քննությունն ավարտվել է 29.04.2021թ.-ին և Բողոքներ քննող անձի որոշման հրապարակման օր է նշանակվել 14.05.2021թ.-ին:

2. «Պրոֆտեստ» ՍՊԸ-ի ներկայացրած փաստերը, հիմնավորումները և պահանջը.

«Պրոֆտեստ» ՍՊԸ-ն 14.04.2021թ.-ին ներկայացրած բողոքով հայտնել է հետևյալը.

«Բողոքի առարկա է հանդիսանում «Զարիշատ (Արամ) Մարտինի Մկրտչյանի անվան Արմավիրի ԲԿ» ՓԲԸ-ի կողմից հայտարարված ԶՄՄԱԲԿ-ԳՀԱՊՁԲ-18/21 ծածկագրով գնանշման հարցման հանձնաժողովի կայացված որոշումները:

Հայտերը գնահատման ժամանակ խախտվել է «Գնումների մասին» ՀՀ օրենքի 34-րդ հոդվածի 1 կետը: Աբվա Ստանդարտ ՍՊԸ ներկայացված հայտը չի համապատասխանում հրավերի պահանջներին մասնավորապես՝

- Պահանջվում էր Նվազագույն արտադրողականություն՝ ոչ պակաս քան 600 լ/ժամ մուտքային ջրի WoC-ի ջերմաստիճանի դեպքում:

Ներկայացվել էր՝ Հակադարձ օսմոսային համակարգ, ՌՕ-1000լ/ժ արտադրողականությամբ:

Անհամապատասխանություն՝ նշված չէ, թե որ ջերմաստիճանի դեպքում, քանի որ ՌՕ-ի արտադրողականությունը մեծ կախման մեջ է ջերմաստիճանից: Ջերմաստիճանի մեծացման դեպքում մեծանում է իսկ իջեցման դեպքում փոքրանում:

- Պահանջվող ավրոմար ֆիլտրերի փոխարեն ներկայացված է ֆիլտր, ինչը չի համապատասխանում պահանջին:

- Առկա չէ պահանջով ներկայացված Ջրի զրման (աղահեռացում) ՌՕ համակարգը:

- Առկա չէ ջրափարի (водная петля) մանրէազերծման համար նախատեսված սարքն կամ համակարգ մանրէազերծման համար՝ համալրված բազային ռեակտիվներով:

- Տեխնիկական պահանջով պետք էր ներկայացվեր կամ PEX կամ PVC-U խողովակները (ՁՄԿ արտադրողի կողմից գրավոր հաստատումով): Կազմակերպությունը ներկայացրել է PVC փայի խողովակներ, որոնք նույնպես չեն համապատասխանում պահանջին:

- Բացակայում են մրցույթով նախատեսված որակի վկայականները:

- Առկա չէ կամ պարզաճ չի ներկայացված Խողովակաշարը նեռարյալ բոլոր միացումները և ջրահեռացման համակարգը պետք է պաշտոնապես (գրավոր) համաձայնեցվեն ՌՕ-ի կամ ՁՄԿ-ի արտադրողի հետ:

- Լիովին բացակայում են հետևյալ պահանջների՝

Ռեվերս օսմոսի (ՌՕ) կառավարման միկրոպրոցեսորային համակարգի առկայություն:

Մաքրված ջրի հաղորդունակությունը համաձայն ԳՕՍՏ Ռ 52556 կամ AAMI:

Ջերմաստիճանի ցուցադրման (դիսպլեյի) առկայություն:

Հաղորդունակության չափիչի, ճնշման չափիչի և հոսքի ինդիկատորի առկայություն:

Համակարգը պետք է լինի ամբողջությամբ ավրոմարացված:

Հանձնախժողովը հաշվի չի առել վերը նշված պահանջները և հայտը համարել է բավարար խախտելով «Գնումների մասին» ՀՀ օրենքի 34-րդ հոդվածի 2 կետը:

Հաշվի առնելով վերը շարադրվածը կից ներկայացնում ենք արձանագրությունները և Աքվա Ստանդարտ ՍՊԸ-ի կողմից ներկայացված հայտի փաթեթը:»:

Վերոգրյալի հիման վրա, Ընկերությունը Բողոքներ քննող անձից խնդրել է պարտավորեցնել «ՁՄՄԱԲԿ-ԳՀԱՊՁԲ-18/21» ծածկագրով գնանշման հարցման ընթացակարգը կասեցնել, քարտուղարին փոխել արձանագրությունները, պայմանագիր

կնքելու առաջարկը, քանի որ համապատասխան ժամկետներում չի կատարել իր պարտավորությունները:

«Պրոֆտեստ» ՍՊԸ-ն 04.05.2021թ.-ին ներկայացրած բողոքի լրացմամբ հայտնել է նաև հետևյալը.

««Բողոքի առարկա է հանդիսանում «Ջարիշատ (Արամ) Մարտինի Մկրտչյանի անվան Արմավիրի ԲԿ» ՓԲԸ-ի կողմից հայտարարված ՋՄՄԱԲԿ-ԳՀԱՊՁԲ-18/21 ծածկագրով գնանշման հարցման հանձնաժողովի կայացված որոշումները:

Հայտերը գնահատման ժամանակ խախտվել է «Գնումների մասին» ՀՀ օրենքի 34-րդ հոդվածի 1 կետը: Աբվա Ստանդարտ ՍՊԸ ներկայացված հայտը չի համապատասխանում հրավերի պահանջներին մասնավորապես՝

- Պահանջվում էր Նվազագույն արտադրողականություն՝ ոչ պակաս քան 600 վժամ մուրքային ջրի WoC-ի ջերմաստիճանի դեպքում:

Ներկայացվել էր՝ Հակադարձ օսմոսային համակարգ, ՌՕ-1000լ/ժ արտադրողականությամբ:

Անհամապատասխանություն՝ նշված չէ, թե որ ջերմաստիճանի դեպքում, քանի որ RO-ի արտադրողականությունը մեծ կախման մեջ է ջերմաստիճանից: Ջերմաստիճանի մեծացման դեպքում մեծանում է իսկ իջեցման դեպքում փոքրանում:

- Պահանջվող ավտոմատ ֆիլտրերի փոխարեն ներկայացված է ֆիլտր, ինչը չի համապատասխանում պահանջին:

- Առկա չէ պահանջով ներկայացված Ջրի զրման (աղահեռացում) ՌՕ համակարգը:

- Առկա չէ ջրադարի (водная сетка) մանրէազերծման համար նախատեսված սարքն կամ համակարգ մանրէազերծման համար՝ համալրված բազային ռեակտիվներով:

- Տեխնիկական պահանջով պետք էր ներկայացվեր կամ PEX կամ PVC-U խողովակները (ՁՄԿ արտադրողի կողմից գրավոր հաստատումով): Կազմակերպությունը ներկայացրել է PVC տիպի խողովակներ, որոնք նույնպես չեն համապատասխանում պահանջին:

- Բացակայում են մրցույթով նախատեսված որակի վկայականները:

- Առկա չէ կամ պարզաճ չի ներկայցված Խողովակաշարը նեռարյալ բոլոր միացումները և ջրահեռացման համակարգը պետք է պաշտոնապես (գրավոր) համաձայնեցվեն ՌՕ-ի կամ ՁՄԿ-ի արտադրողի հետ:

- Լիովին բացակայում են հետևյալ պահանջների՝

Ռեվերս օսմոսի (ՌՕ) կառավարման միկրոպրոցեսորային համակարգի առկայություն:

Մաքրված ջրի հաղորդունակությունը համաձայն ԳՕՍՏ Ռ 52556 կամ АAMI:

Ջերմաստիճանի ցուցադրման (դիսպլեյի) առկայություն:

Հաղորդունակության չափիչի, ճնշման չափիչի և հոսքի ինդիկատորի առկայություն:

Համակարգը պետք է լինի ամբողջությամբ ավտոմատացված:

Հանձնախժողովը հաշվի չի առել վերը նշված պահանջները և հայտը համարել է բավարար խախտելով «Գնումների մասին» ՀՀ օրենքի 34-րդ հոդվածի 2 կետը:

Հաշվի առնելով վերը շարադրվածը կից ներկայացնում ենք արձանագրությունները և Աքվա Ստանդարտ ՍՊԸ-ի կողմից ներկայացված հայտի փաթեթը:»:

Վերոգրյալների հիման վրա, Ընկերությունը բողոքի լրացմամբ Բողոքներ քննող անձին խնդրել է պարտավորեցնել թիվ «ՁՄՄԱԲԿ-ԳՀԱՊՁԲ-18/21» ծածկագրով գնանշման հարցման ընթացակարգի գնահատող հանձնաժողովին՝

1. Դադարեցնել 08.04.2021թ.-ի նիստի թիվ 3 արձանագրությամբ «Աքվա Ստանդարտ» ՍՊԸ-ին ընտրված մասնակից ճանաչելու և պայմանագիր կնքելու որոշման մասին հայտարարության տեքստը հաստատելու վերաբերյալ որոշումները

2. Կիրառել ՀՀ կառավարության 04.05.2017թ.-ի թիվ 526-Ն որոշմամբ հաստատված «Գնումների գործընթացի կազմակերպման» կարգի 41-րդ կետը և հրավերի 1-ին մասի 8.9 կետը, ու ընդունել համապատասխան որոշում, այն է՝ «Աքվա Ստանդարտ» ՍՊԸ-ից պահանջել շտկել իր կողմից առաջարկվող ապրանքի տեխնիկական բնութագրում առկա անհամապատասխանությունները հրավերի պահանջների նկատմամբ:

3. «Ձարիշատ (Արամ) Մարտինի Մկրտչյանի անվան Արմավիրի ԲԿ» ՓԲԸ-ի կողմից բողոքի վերաբերյալ ներկայացված փաստարկները, հիմնավորումները և դիրքորոշումը.

Բողոքներ քննող անձը 15.04.2021թ.-ին թիվ /ԲԲԱ-ԼՕ/2/5736-2021 գրությամբ դիմել է «Ձարիշատ (Արամ) Մարտինի Մկրտչյանի անվան Արմավիրի ԲԿ» ՓԲԸ-ին (այսուհետ նաև՝ Պատվիրատու), հնարավորություն տալով «Պրոֆտեստ» ՍՊԸ-ի կողմից 14.04.2021թ.-ին ներկայացված բողոքի վերաբերյալ ներկայացնել անհրաժեշտ բոլոր փաստաթղթերի պատճեններն ու Պատվիրատուի գրավոր կարծիքը:

Պատվիրատուն ստանալով գրավոր դիրքորոշում հայտնելու վերաբերյալ գրությունը, ինչպես նաև ծանուցված լինելով նիստերի տեղի, օրվա և ժամի մասին, ներկայացել է հրավիրված նիստերին:

Պատվիրատուն ներկայացված գրավոր դիրքորոշմամբ հայտնել է հետևյալը.

«Մինչև «ԶՄՄԱԲԿ-ԳՀԱՊՁԲ-18/21» ծածկագրով գնանշման հարցումով ընթացակարգի հայտերի ներկայացման վերջնաժամկետի ավարտը երկու մասնակից ընկերությունների ներկայացուցիչների հետ հանդիպել և քննարկել ենք ջրի մաքրման համակարգի տեղադրման, շահագործման, ինչպես նաև աշխատանքի հետ կապված մանրամասները:

Գնահատող հանձնաժողովի կողմից «Աքվա Ստանդարտ» ՍՊԸ-ն հայտարարվել է ընտրված մասնակից՝ բավարար գնահատված ոչ գնային (տեխնիկական) և նվազագույն գին առաջարկի հիմնավորվածությամբ: «Աքվա Ստանդարտ» ՍՊԸ-ի գնային առաջարկը գրեթե երեք անգամ ավելի ցածր է «Պրոֆտեստ» ՍՊԸ-ի առաջարկածից»:

4. ԳԲԲԱ-LO-2021/31 բողոքի քննության համար էական նշանակություն ունեցող փաստերը.

Սույն գործի քննության համար էական նշանակություն ունեցող փաստերի համաձայն՝

i. «Զարիշատ (Արամ) Մարտինի Մկրտչյանի անվան Արմավիրի ԲԿ» ՓԲԸ-ի (այսուհետ նաև՝ Պատվիրատու) կողմից հեմոդիալիզի համար անհրաժեշտ ջրի մաքրման համակարգի ձեռքբերման նպատակով 16.03.2021թ.-ին հայտարարվել է «ԶՄՄԱԲԿ-ԳՀԱՊՁԲ-18/21» ծածկագրով գնանշման հարցման ընթացակարգ (այսուհետ նաև՝ Ընթացակարգ):

ii. Ընթացակարգի հրավերի թիվ 1 հավելվածով սահմանված տեխնիկական բնութագիր-գնման ժամանակացույցով սահմանվել է ապրանքի հետևյալ տեխնիկական բնութագիրը.

«1. Ջրի մաքրման կայան (ԶՄԿ).

Միացված սարքերի քանակը՝ ոչ պակաս քան 10 (միաժամանակ աշխատող սարքեր՝ ընդլայնման հնարավորությամբ): Նվազագույն արտադրողականություն՝ ոչ պակաս քան 600 /ժամ՝ մուտքային ջրի 10oC-ի ջերմաստիճանի դեպքում: Ռեվերս օսմոսի (ՌՕ) կառավարման միկրոպրոցեսորային համակարգի առկայություն: Մաքրված ջրի հաղորդունակությունը համաձայն ԳՕՍՍ Ռ- 52556 կամ AAMI: Ջերմաստիճանի ցուցադրման (դիսպլեյի) առկայություն: Հաղորդունակության չափիչի, ճնշման չափիչի և հոսքի ինդիկատորի առկայություն: Համակարգը պետք է լինի ամբողջությամբ ավտոմատացված:

2. Սարքավորումների նվազագույն լրակազմ.

Մեխանիկական ճնշման ռեդուկտոր, Մեխանիկական զտիչ, Մուտքային ջրի պահպանման բակ ոչ պակաս քան 1000լ, Պոմպակայան, Նստվածքային ֆիլտրման և

մեքաղենների հեռացման ավտոմատ զտիչ: Փափկեցման ավտոմատ ֆիլտր, Դեքլորացման ածխածնային ավտոմատ ֆիլտր, Ջրի զտման (աղահեռացում) ՌՕ համակարգ, Մաքուր (եղքային) ջրի պահպանման բակ ոչ պակաս քան 1000լ, Պոմպակայան ՈԻՄ լամպի առկայությամբ: Լրակազմը պետք է ներառի ջրափարի (водная сетка) մանրէազերծման համար նախատեսված սարք կամ համակարգ մանրէազերծման համար հանարեսված բազային ռեակտիվներով: Ջրամաքակարարման ներքին համակարգ՝ օգտագործելով PEX կամ PVC-Ս խողովակներ (ՁՄԿ արտադրողի կողմից գրավոր հաստատում): Դիալիզի մեքենային ջրի միացման կետերում չժանգոտվող պողպատից կամ համարժեք նյութից պատրաստված միացումների առկայություն: Փոստ ՌՕ ջրի քիմիական, աղտոտվածության, էնդոթոքսինների և մանրէաբանական թեստերը պետք է համապատասխանեն AAMI կամ ԵՏՄ ստանդարտներին: Խողովակաշարը նեոարյալ բոլոր միացումները և ջրահեռացման համակարգը պետք է պաշտոնապես (գրավոր) համաձայնեցվեն ՌՕ-ի կամ ՁՄԿ-ի արտադրողի հետ: Խողովակաշարի ախտահանման հնարավորության առկայություն: Ախտահանում՝ ջերմային կամ քիմիական:

3. Մնուցում.

Մնուցում՝ 220-240Վ/50Հց կամ 380-400Վ/50Հց (Երեք ֆազ)

4. Պարագաներ.

Համալիրը ներառում է լիարժեք գործունեության համար անհրաժեշտ բոլոր լրացուցիչ սարքերը և պարագաները (Օրինակ՝ ջրի պոմպ, լրացուցիչ ջրի պոմպ, ջրի բակեր, խողովակներ, մոնոմետրեր, ռոտատորներ, ճնշման տվիչ և այլն):

5. Ստանդարտներ (փաստաթղթային վկայագրեր (վկայագրերի պատճեններ))՝ ISO 9001 կամ ԻՍՕ 9001, CE Mark (Directive 93/42/EEC) կամ TP TC 020»:

iii. Ընթացակարգին մասնակցելու նպատակով հայտ են ներկայացրել «Պրոֆտեստ» ՍՊԸ-ն և «Աքվա Ստանդարտ» ՍՊԸ-ն (այսուհետ նաև՝ Մասնակից):

iv. Մասնակիցը մասնակցության հայտի թիվ 1.1 հավելվածով՝ առաջարկվող ապրանքի ամբողջական նկարագրով, որպես ապրանքի տեխնիկական բնութագիր նշել է հետևյալը.

«Հակադարձ օսմոսային համակարգ, ՌՕ - 1000լ/ժ արտադրողականությամբ, որը իր մեջ ներառում է մեխանիկական զտիչ, ավազային զտիչ, պոմպակայան, եղքային ջրի բակ, 1000լ ածխային ֆիլտր, պոմպակայան ՌԻՄ լամպի առկայությամբ, մեխանիկական ճնշման ռեդուկտոր, խողովակաշարերի ախտահանման առկայության հնարավորություն, ջրամաքակարարման խողովակաշար, PVC Ջրափարի (водная сетка), մանրէազերծման

համար նախատեսված սարք կամ համակարգ մանրէազրծման համար հանատեսված բազային ռեակտիվներով փարողությամբ, մուլթային ջրի բակ 1000լ փարողությամբ, փակիկեցուցիչ, ֆիլտր դեբլորացման համար նախատեսված դիալիզի մեքենային ջրի միացման կետերում չժանգոտվող պողպատից կամ համարժեք նյութից պատրաստված միացումների առկայություն, փոսփ ՌՕ ջրի քիմիական, աղտոտվածության, էնդոթոքսինների և մանրէաբանական թեստերը պետք է համապատասխանեն AAMI կամ ԵՏՄ ստանդարտներին: Խողովակաշարը նեոարյալ բոլոր միացումները և ջրահեռացման համակարգը պետք է պաշտոնապես (գրավոր) համաձայնեցվեն ՌՕ-ի կամ ՁՄԿ-ի արտադրողի հետ:»:

v. Ընթացակարգի գնահատող հանձնաժողովի (այսուհետ նաև՝ Հանձնաժողով) 23.03.2021թ.-ի նիստի թիվ 2 արձանագրության 6-րդ կետի համաձայն՝ «Աքվա Ստանդարտ» ՍՊԸ-ի և «Տեխսթոր» ՍՊԸ-ի կողմից ներկայացված էլեկտրոնային հայտերը համապատասխանել են հրավերով սահմանված պահանջներին:

vi. Նույն արձանագրության համաձայն՝ Հանձնաժողովը, ղեկավարվելով ՀՀ կառավարության 04.05.2017թ.-ի թիվ 526-Ն որոշմամբ հաստատված «Գնումների գործընթացի կազմակերպման» կարգի 40-րդ կետի 5-րդ ենթակետով, որոշել է էլեկտրոնային եղանակով ծանուցել մասնակիցներին՝ գների նվազեցման շուրջ միաժամանակյա բանակցությունների օրվա, ժամի և վայրի մասին, որը տեղի կունենա 08.04.2021թ.-ին ժամը 14:00-ին:

vii. Հանձնաժողովի 08.04.2021թ.-ի նիստի թիվ 3 արձանագրության համաձայն՝ մասնակիցների կողմից նոր գնային առաջարկներ չեն ներկայացվել, ինչի արդյունքում որոշում է կայացվել գնման ընթացակարգի ընտրված մասնակից ճանաչել «Աքվա Ստանդարտ» ՍՊԸ-ին:

viii. www.gnumner.am համացանցային կայքում 09.04.2021թ.-ին հրապարակվել է պայմանագիր կնքելու որոշման մասին հայտարարություն՝ սահմանելով 5 օրացուցային օր անգործության ժամկետ:

5. Բողոքներ քննող անձի հիմնավորումները և եզրահանգումը.

Բողոքներ քննող անձը լրիվ, օբյեկտիվ և բազմակողմանի հետազոտելով և գնահատելով սույն գործում առկա ապացույցները, և համադրելով դրանք գործով պարզված փաստական հանգամանքների հետ, հանգում է այն եզրակացության, որ «Պրոֆտեստ» ՍՊԸ-ի

կողմից 14.04.2021թ.-ին ներկայացված բողոքը հիմնավոր է և ենթակա է բավարարման, հետևյալ պատճառաբանությամբ.

«Գնումների մասին» ՀՀ օրենքի (այսուհետ նաև՝ Օրենք) 3-րդ հոդվածի 1-ին մասի 1-ին և 2-րդ կետերի համաձայն՝ օրենքի նպատակն է ապահովել գնումների գործընթացում հատուցման դիմաց արժեք, այն է՝

1) պատվիրատուին վերապահված լիազորությունների կատարման համար անհրաժեշտ՝ կարիքին համապատասխան ապրանքների, աշխատանքների և ծառայությունների ձեռքբերում՝ համարժեք հատուցմամբ.

2) գնումների և գնումների գործընթացի տնտեսող, արդյունավետ և օգտավետ իրականացում:

Նույն հոդվածի 2-րդ մասի 1-ին և 2-րդ կետերի համաձայն՝ գնումների գործընթացը հիմնվում է հետևյալ սկզբունքների վրա.

1) գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպում.

2) պայմանագրի կնքման նպատակով մասնակիցների շրջանակի ընդլայնում և նրանց միջև մրցակցության խրախուսում:

Օրենքի 7-րդ հոդվածի 1-ին մասի համաձայն՝ ցանկացած անձ, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, ունի գնման գործընթացին մասնակցելու հավասար իրավունք:

Վերոնշյալ իրավական նորմերի վերլուծության արդյունքում, Բողոքներ քննող անձը, փաստում է, որ գնումների օրենսդրությունը, հիմնվելով գնման գործընթացի մրցակցային, թափանցիկ, համաչափ, հրապարակային, ոչ խտրական, գնման գործընթացին մասնակցելու իրավահավասարության սկզբունքների վրա, նպատակ է հետապնդում ապահովելու գնումների գործընթացում հատուցման դիմաց պատվիրատուին վերապահված լիազորությունների կատարման համար անհրաժեշտ՝ կարիքին համապատասխան ապրանքների, աշխատանքների և ծառայությունների ձեռքբերումը՝ համարժեք հատուցմամբ, և որ ամենակարևորն է՝ գնումների գործընթացի տնտեսող, արդյունավետ և օգտավետ իրականացման ապահովումը:

Բողոքներ քննող անձը հարկ է համարում հավելել, որ վերոնշյալ սկզբունքների ապահովումն ու իրականացումը գնումների օրենսդրության շրջանակներում իրացնելու համար, անհրաժեշտ պայման է նաև ցանկացած անձի՝ գնման գործընթացին մասնակցելու

հավասար իրավունք ունենալու սկզբունքը՝ անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից:

Զարգացնելով վերոգրյալները՝ Բողոքներ քննող անձը փաստում է նաև, որ գնման առարկան համարժեք հատուցմամբ ձեռք բերելու նպատակը կլիներ ձևական, եթե դրան հասնելուն ուղղված ընթացակարգերի կազմակերպումը չլիներ տնտեսող, արդյունավետ և օգտավետ:

Այն է՝ ընթացակարգերի կազմակերպումը պետք է լինի՝

1. տնտեսող, այսինքն՝ նախատեսված արդյունքին կամ նպատակին հասնելու համար նախատեսված ռեսուրսների, ֆինանսական միջոցների մինիմալացմամբ՝ պահպանելով նախապես սահմանված որակը:

2. արդյունավետ, այսինքն՝ արդյունքի կամ նպատակի մասով պլանավորված և փաստացի վիճակների համեմատությունը: Նախատեսված արդյունքին կամ նպատակին հասնելու համար օգտագործված նյութական և ոչ նյութական միջոցների համարժեքությունը ձեռք բերված արդյունքին, երբ ապահովվում է կատարված ծախսի և Պատվիրատուի համար դրա օգտակարության միջև պատշաճ հարաբերակցությունը:

3. Օգտավետ՝ գնման առարկան համարժեք հատուցմամբ ձեռք բերելու նպատակով դրան հասնելուն ուղղված ընթացակարգերի արդյունքի կամ նպատակի առավելագույն մակարդակի ապահովում:

Բողոքներ քննող անձը հարկ է համարում հավելել նաև, որ իրավունքի սկզբունքները հիմնարար գաղափարներ են, որոնք արտահայտում են հասարակական կյանքի օբյեկտիվ օրինաչափությունները, ուղղակի կամ անուղղակի ամրագրվում են իրավական նորմերում, իրավական համակարգի հենասյունն են, կոչված են կարգավորելու հասարակական հարաբերությունները, ունեն համապարտադիրության հատկանիշ:

Օրենքի 2-րդ հոդվածի 1-ին մասի 23-րդ ենթակետի (օրենքում օգտագործվող հիմնական հասկացությունները) համաձայն՝ գնման գործընթաց՝ գնում կատարելու նպատակով գնումների մասին Հայաստանի Հանրապետության օրենսդրությամբ նախատեսված ընթացակարգերի, իրավունքների և պարտականությունների իրագործմանն ուղղված գործողությունների ամբողջություն, ներառյալ՝ գնումների պլանավորումը, գնման առարկայի բնութագրի հաստատումը, պայմանագրի կատարումը և կառավարումը:

Օրենքի 30-րդ հոդվածի 1-ին մասի համաձայն՝ մասնակիցը հայտը ներկայացնում է հրավերով սահմանված կարգով: Հայտը ներառում է մասնակցի հաստատած՝

1) հրավերի պահանջներին իր տվյալների համապատասխանության մասին հայտարարությունը.

2) գնային առաջարկը.

3) ոչ գնային առաջարկը (տեխնիկական առաջարկ կամ տեխնիկական բնութագիր), եթե հրավերով նախատեսված է.

4) հրավերով նախատեսված այլ փաստաթղթեր (տեղեկություններ):

Օրենքի 34-րդ հոդվածի 1-ին մասի համաձայն՝ հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են:

ՀՀ կառավարության 04.05.2017թ.-ի թիվ 526-Ն որոշմամբ (30.07.2020թ.-ի թիվ 1275-Ն փոփոխություններով) հաստատված «Գնումների գործընթացի կազմակերպման» կարգի (այսուհետ նաև՝ Կարգ) 32-րդ կետի 1-ին ենթակետի «զ» պարբերության համաձայն՝ հրավերով նախատեսվում է նաև, որ ապրանքների գնման դեպքում մասնակիցը հայտով ներկայացնում է իր կողմից առաջարկվող ապրանքի տեխնիկական բնութագրերը, իսկ հրավերով նախատեսված դեպքերում նաև առաջարկվող ապրանքի ապրանքային նշանը, ֆիրմային անվանումը, մակնիշը և արտադրողի անվանումը (այսուհետ՝ ապրանքի ամբողջական նկարագիր):

Կարգի 40-րդ կետի 4-րդ ենթակետի համաձայն՝ հայտերի բացման և գնահատման նիստում հանձնաժողովը մերժում է այն հայտերը, որոնցում բացակայում է գնային առաջարկը, կամ եթե այն ներկայացված է հրավերի պահանջներին անհամապատասխան, բացառությամբ սույն կարգի 41-րդ կետով նախատեսված դեպքի:

Կարգի 41-րդ կետի համաձայն՝ եթե հայտերի բացման և գնահատման նիստի ընթացքում իրականացված գնահատման արդյունքում մասնակցի հայտում արձանագրվում են անհամապատասխանություններ՝ հրավերի պահանջների նկատմամբ ներառյալ այն դեպքերը, երբ հայտում ներառված՝ Հայաստանի Հանրապետության ռեզիդենտ հանդիսացող մասնակցի կողմից հաստատված փաստաթղթերը կամ դրանց մի մասը հաստատված չեն էլեկտրոնային թվային ստորագրությամբ, ապա հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով ծանուցում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը:

Կարգի 42-րդ կետի համաձայն՝ եթե սույն կարգի 41-րդ կետով սահմանված ժամկետում մասնակիցը շտկում է արձանագրված անհամապատասխանությունը, ապա նրա հայտը գնահատվում է բավարար: Հակառակ դեպքում տվյալ մասնակցի հայտը գնահատվում է անբավարար և մերժվում է, ներառյալ եթե մասնակիցը սույն կարգի 32-րդ կետի 1-ին մասի «ե» պարբերությամբ սահմանված ժամկետում չի ներկայացնում հայտի ապահովման բնօրինակը, իսկ ընտրված մասնակից է ճանաչվում հաջորդող տեղ զբաղեցրած մասնակիցը:

«Ջարիշատ (Արամ) Մարտինի Մկրտչյանի անվան Արմավիրի ԲԿ» ՓԲԸ-ի կողմից հեմոդիալիզի համար անհրաժեշտ ջրի մաքրման համակարգի ձեռքբերման նպատակով 16.03.2021թ.-ին հայտարարված «ՁՄՄԱԲԿ-ԳՀԱՊՁԲ-18/21» ծածկագրով գնանշման հարցման ընթացակարգի հրավերի (այսուհետ նաև՝ Հրավեր) 8.9-րդ կետի համաձայն՝ եթե հայտերի բացման և գնահատման նիստի ընթացքում իրականացված գնահատման արդյունքում մասնակցի հայտում արձանագրվում են անհամապատասխանություններ՝ հրավերի պահանջների նկատմամբ, ներառյալ երբ հայտում ներառված՝ Հայաստանի Հանրապետության ռեզիդենտ հանդիսացող մասնակցի կողմից հաստատված փաստաթղթերը կամ դրանց մի մասը հաստատված չեն էլեկտրոնային թվային ստորագրությամբ, ապա հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին համակարգի միջոցով տեղեկացնում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը:

Հրավերի 8.10-րդ կետի համաձայն՝ եթե սույն հրավերի 8.9-րդ կետով սահմանված ժամկետում մասնակիցը շտկում է արձանագրված անհամապատասխանությունը, ապա վերջինիս հայտը գնահատվում է բավարար: Հակառակ դեպքում տվյալ մասնակցի հայտը գնահատվում է անբավարար և մերժվում է, ներառյալ եթե մասնակիցը սույն հրավերով սահմանված ժամկետում չի ներկայացնում հայտի ապահովման բնօրինակը, իսկ ընտրված մասնակից է ճանաչվում հաջորդող տեղ զբաղեցրած մասնակիցը:

Վերոգրյալ իրավակարգավորումների լույսի ներքո, Բողոքներ քննող անձը փաստում է, որ մասնակիցը ներկայացնում է հրավերով սահմանված կարգով հայտ, որը ներառում է մասնակցի կողմից ներկայացված դիմում-հայտարարությունը, գնային առաջարկը, հրավերով նախատեսված այլ փաստաթղթեր (տեղեկություններ): Ընդ որում, Կարգի 41-րդ կետը ուղղակիորեն սահմանում է արձանագրված անհամապատասխանությունը շտկելու անթույլատրելիություն հայտում ներառվող միայն գնային առաջարկի համար, այն էլ՝ որոշ

բացառություններով: Սույն կետի իմաստից բխում է, որ մնացած բոլոր դեպքերում հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով տեղեկացնում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը:

Հայտերի գնահատումն իրականացվում է հրավերով սահմանված կարգով և հրավերով նախատեսված պայմաններին չհամապատասխանող հայտերը գնահատվում են անբավարար և մերժվում են, ներառյալ եթե մասնակիցը մինչև հայտերի ներկայացման վերջնաժամկետը լրանալուն հաջորդող աշխատանքային օրվա Երևանի ժամանակով 17:00-ն գնահատող հանձնաժողովին չի ներկայացնում հայտի ապահովման բնօրինակը:

Բողոքներ քննող անձը հարկ է համարում նշել, որ օրենսդիրն իմպերատիվ կերպով սահմանել է, որ եթե հայտերի բացման և գնահատման նիստի ընթացքում իրականացված գնահատման արդյունքում մասնակցի հայտում արձանագրվում են անհամապատասխանություններ՝ հրավերի պահանջների նկատմամբ, բացառությամբ այն դեպքերի երբ բացակայում է գնային առաջարկը կամ եթե վերջինս ներկայացված է հրավերի պահանջներին անհամապատասխան, ապա հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով ծանուցում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը:

Բողոքներ քննող անձն արձանագրում է նաև, որ Կարգի 41-րդ կետն ուղղակիորեն սահմանում է և այդ կետի իմաստից բխում է, որ հայտում ներառվող փաստաթղթերում արձանագրված՝ շտկման ենթակա անհամապատասխանություններն ենթակա են շտկման՝ հանձնաժողովի քարտուղարի կողմից Մասնակցին էլեկտրոնային եղանակով ուղարկված ծանուցման ստացման պահից հաշված մեկ աշխատանքային օրյա ժամկետում:

Բողոքներ քննող անձը հարկ է համարում փաստել, որ Կարգի 41-րդ և Հրավերի 8.9-րդ կետերի դրույթները իմպերատիվ (պարտադիր) կերպով սահմանում են հանձնաժողովի քարտուղարի գործողությունները, որոնք պետք է իրականացվեն մասնակցի հայտում արձանագրված անհամապատասխանությունների դեպքում, այն է՝ հանձնաժողովի քարտուղարը նույն օրը անհամապատասխանությունների մասին էլեկտրոնային եղանակով ծանուցում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը, ինչպես նաև մասնակցին ուղարկվող ծանուցման մեջ մանրամասն նկարագրվում են հայտնաբերված անհամապատասխանությունները:

Բողոքներ քննող անձը հարկ է համարում փաստել, որ Օրենքի 34-րդ հոդվածի և Կարգի 41-րդ կետի դրույթների իմաստից բխում է, որ մասնակցի ներկայացրած հայտը գնահատվում է բավարար այն դեպքում, երբ այն համապատասխանում է հրավերով նախատեսված պայմաններին:

Սույն գործի փաստերի համաձայն՝ «Զարիշատ (Արամ) Մարտինի Մկրտչյանի անվան Արմավիրի ԲԿ» ՓԲԸ-ի կողմից հեմոդիալիզի համար անհրաժեշտ ջրի մաքրման համակարգի ձեռքբերման նպատակով 16.03.2021թ.-ին հայտարարված «ԶՄՄԱԲԿ-ԳՀԱՊՁԲ-18/21» ծածկագրով գնանշման հարցման ընթացակարգի հրավերի թիվ 1 հավելվածով սահմանված տեխնիկական բնութագիր-գնման ժամանակացույցով սահմանվել է ապրանքի հետևյալ տեխնիկական բնութագիրը.

«1. Ջրի մաքրման կայան (ՁՄԿ).

Միացված սարքերի քանակը՝ ոչ պակաս քան 10 (միաժամանակ աշխատող սարքեր՝ ընդլայնման հնարավորությամբ): Նվազագույն արտադրողականություն՝ ոչ պակաս քան 600 /ժամ՝ մուտքային ջրի 10oC-ի ջերմաստիճանի դեպքում: Ռեվերս օսմոսի (ՌՕ) կառավարման միկրոպրոցեսորային համակարգի առկայություն: Մաքրված ջրի հաղորդունակությունը համաձայն ԳՕՍՍ Ռ 52556 կամ AAMI: Ջերմաստիճանի ցուցադրման (դիսպլեյի) առկայություն: Հաղորդունակության չափիչի, ճնշման չափիչի և հոսքի ինդիկատորի առկայություն: Համակարգը պետք է լինի ամբողջությամբ ավտոմատացված:

2. Սարքավորումների նվազագույն լրակազմ.

Մեխանիկական ճնշման ռեդուկտոր, Մեխանիկական զտիչ, Մուտքային ջրի պահպանման բակ ոչ պակաս քան 1000լ, Պոմպակայան, Նստվածքային ֆիլտրման և մեխանիկական հեռացման ավտոմատ զտիչ: Փափկեցման ավտոմատ ֆիլտր, Դեքլորացման ածխածնային ավտոմատ ֆիլտր, Ջրի զտման (աղահեռացում) ՌՕ համակարգ, Մաքուր (եքային) ջրի պահպանման բակ ոչ պակաս քան 1000լ, Պոմպակայան ՌԻՄ լամպի առկայությամբ: Լրակազմը պետք է ներառի ջրափարի (водная сетка) մանրէազերծման համար նախատեսված սարք կամ համակարգ մանրէազերծման համար հանարեսված բազային ռեակտիվներով: Ջրամաքակարարման ներքին համակարգ՝ օգտագործելով PEX կամ PVC-U խողովակներ (ՁՄԿ արտադրողի կողմից գրավոր հաստատում): Դիալիզի մեքենային ջրի միացման կետերում չժանգոտվող պողպատից կամ համարժեք նյութից պատրաստված միացումների առկայություն: Փոստ ՌՕ ջրի քիմիական, աղտոտվածության, էնդոթոքսինների և մանրէաբանական թեստերը պետք է համապատասխանեն AAMI կամ ԵՏՄ ստանդարտներին: Խողովակաշարը նեոարյալ բոլոր միացումները և ջրահեռացման

համակարգը պետք է պաշտոնապես (գրավոր) համաձայնեցվեն ՌՕ-ի կամ ՁՄԿ-ի արտադրողի հետ: Խողովակաշարի ախտահանման հնարավորության առկայություն: Ախտահանում՝ ջերմային կամ քիմիական:

3. Սնուցում.

Սնուցում՝ 220-240Վ/50Հց կամ 380-400Վ/50Հց (Երեք ֆազ)

4. Պարագաներ.

Համալիրը ներառում է լիարժեք գործունեության համար անհրաժեշտ բոլոր լրացուցիչ սարքերը և պարագաները (Օրինակ՝ ջրի պոմպ, լրացուցիչ ջրի պոմպ, ջրի բակեր, խողովակներ, մոնոմետրեր, ռոտապոմետր, ճնշման փոխիչ և այլն):

5. Ստանդարտներ (փաստաթղթային վկայագրեր (վկայագրերի պատճեններ))՝ ISO 9001 կամ ԻՍՕ 9001, CE Mark (Directive 93/42/EEC) կամ TP TC 020»:

Ընթացակարգին մասնակցելու նպատակով հայտ ներկայացրած «Աքվա Ստանդարտ» ՍՊԸ-ն հայտի թիվ 1.1 հավելվածով՝ առաջարկվող ապրանքի ամբողջական նկարագրով, որպես ապրանքի տեխնիկական բնութագիր նշել է հետևյալը.

«Հակադարձ օսմոսային համակարգ, ՌՕ - 1000լ/ժ արտադրողականությամբ, որը իր մեջ ներառում է մեխանիկական զրիչ, ավազային զրիչ, պոմպակայան, ելքային ջրի բակ, 1000լ ածխային ֆիլտր, պոմպակայան ՌԻՄ լամպի առկայությամբ, մեխանիկական ճնշման ռեդուկտոր, խողովակաշարերի ախտահանման առկայության հնարավորություն, ջրամաքակարարման խողովակաշար, PVC Ջրադարի (водная петля), մանրէազերծման համար նախատեսված սարք կամ համակարգ մանրէազերծման համար հանադեսված բազային ռեակտիվներով փարոդությամբ, մուլտիջրային ջրի բակ 1000լ փարոդությամբ, փափկեցուցիչ, ֆիլտր դեքլորացման համար նախատեսված դիալիզի մեքենային ջրի միացման կետերում չժանգոտվող պողպատից կամ համարժեք նյութից պատրաստված միացումների առկայություն, փոսփ ՌՕ ջրի քիմիական, աղտոտվածության, էնդոթոքսինների և մանրէաբանական թեստերը պետք է համապատասխանեն AAMI կամ ԵՏՍ ստանդարտներին: Խողովակաշարը նեռարյալ բոլոր միացումները և ջրահեռացման համակարգը պետք է պաշտոնապես (գրավոր) համաձայնեցվեն ՌՕ-ի կամ ՁՄԿ-ի արտադրողի հետ:»:

Հանձնաժողովի 23.03.2021թ.-ի նիստի թիվ 2 արձանագրության 6-րդ կետով արձանագրվել է, որ «Աքվա Ստանդարտ» ՍՊԸ-ի և «Տեխսթոր» ՍՊԸ-ի կողմից ներկայացված էլեկտրոնային հայտերը համապատասխանում են հրավերով սահմանված պահանջներին, ինչով պայմանավորված մասնակիցների հրավիրվել են գների նվազեցման

շուրջ միաժամանակյա բանակցությունների: Հանձնաժողովի 08.04.2021թ.-ի նիստի թիվ 3 արձանագրությամբ որոշում է կայացվել գնման ընթացակարգի ընտրված մասնակից ճանաչել «Աքվա Ստանդարտ» ՍՊԸ-ին, ինչով պայմանավորված www.gnumner.am համացանցային կայքում 09.04.2021թ.-ին հրապարակվել է պայմանագիր կնքելու որոշման մասին հայտարարություն՝ սահմանելով 5 օրացուցային օր անգործության ժամկետ:

Վերոգրյալ իրավանորմի համալիր վերլուծությունը՝ գործով հաստատված փաստերի գնահատմամբ, թույլ է տալիս եզրակացնել, որ «Աքվա Ստանդարտ» ՍՊԸ-ի կողմից հայտի թիվ 1.1 հավելվածով ներկայացված ապրանքի տեխնիկական բնութագիրը չի համապատասխանում «ՁՄՄԱԲԿ-ԳՀԱՊՁԲ-18/21» ծածկագրով գնման ընթացակարգի հրավերի տեխնիկական բնութագրով սահմանված ապրանքի տեխնիկական պահանջներին, որպիսի պայմաններում Հանձնաժողովը, «Աքվա Ստանդարտ» ՍՊԸ-ի հայտը 23.03.2021թ.-ի թիվ 2 արձանագրությամբ հրավերով սահմանված պահանջներին համապատասխանող և 08.04.2021թ.-ի նիստի թիվ 3 արձանագրությամբ վերջինիս ընտրված մասնակից ճանաչելու մասին որոշում կայացնելով, գործել է ոչ իրավաչափ, այն է՝ Մասնակցի կողմից ներկայացված թիվ 1.1 հավելվածով ներկայացված տեխնիկական բնութագրում չի արձանագրել անհամապատասխանություններ և չի ծանուցել վերջինիս, առաջարկելով մինչև կասեցման ժամկետի ավարտը ներկայացնել հրավերով սահմանված փաստաթղթերը:

Հարկ է նկատել նաև, որ Կարգի 41-րդ և Հրավերի 8.9-րդ կետերի դրույթների վրա հասնելու (կիրառելու) հանգամանքը գործադիրը պայմանավորել է հրավերի պահանջների նկատմամբ մասնակցի հայտում արձանագրված անհամապատասխանությունների հանգամանքով:

Ինչպես Օրենքի իմաստից է բխում, որ գնման գործընթացի շրջանակներում ներկայացված հայտերի գնահատումը պետք է ուղղված լինի Հայաստանի Հանրապետության Սահմանադրությամբ և օրենքներով հետապնդվող նպատակին, և դրան հասնելու միջոցները պետք է լինեն պիտանի, անհրաժեշտ և չափավոր:

Տվյալ պարագայում, Բողոքներ քննող անձը փաստում է, որ «Աքվա Ստանդարտ» ՍՊԸ-ի կողմից ներկայացված և գնման ընթացակարգի հրավերով սահմանված ապրանքների տեխնիկական բնութագրերի գնահատման արդյունքում հրավերի պահանջների նկատմամբ անհամապատասխանություններ արձանագրվելու դեպքում հանձնաժողովի քարտուղարը նույն օրն էլեկտրոնային եղանակով պետք է ծանուցեր Մասնակցին՝ առաջարկելով մեկ աշխատանքային օրվա ընթացքում շտկել անհամապա-

տասխանությունը՝ կիրառելով Կարգի 41-րդ և Հրավերի 8.9-րդ կետերով սահմանված պահանջները:

Այսպիսով, վերոհիշյալ փաստական հանգամանքների և իրավական նորմերի լույսի ներքո, դրանց համակարգված վերլուծության արդյունքում, Բողոքներ քննող անձը հանգում է այն եզրակացության, որ «ԶՄՄԱԲԿ-ԳՀԱՊՁԲ-18/21» ծածկագրով գշման հարցման ընթացակարգի գնահատող հանձնաժողովը, կայացնելով «Աքվա Ստանդարտ» ՍՊԸ-ի հայտը հրավերով նախատեսված պայմաններին բավարար գնահատելու և ընտրված մասնակից ճանաչելու մասին որոշում, թույլ է տվել Օրենքի 34-րդ հոդվածի 1-ին մասի, Կարգի 41-րդ և Հրավերի 8.9-րդ կետերի խախտումներ:

Ելնելով վերոգրյալից և ղեկավարվելով «Գնումների մասին» ՀՀ օրենքի 50-րդ հոդվածի 7-րդ մասով՝ ՀՀ գնումների հետ կապված բողոքներ քննող անձը,

Ո Ր Ո Շ Ե Ց

«Պրոֆտեստ» ՍՊԸ-ի կողմից 14.04.2021թ.-ին ներկայացված ԳԲՔԱ-ԼՕ-2021/31 ծածկագրով բողոքը բավարարել:

1. Պարտավորեցնել թիվ «ԶՄՄԱԲԿ-ԳՀԱՊՁԲ-18/21» ծածկագրով գնանշման հարցման ընթացակարգի գնահատող հանձնաժողովին՝

- դադարեցնել 08.04.2021թ.-ի նիստի թիվ 3 արձանագրությամբ կայացված «Աքվա Ստանդարտ» ՍՊԸ-ին ընտրված մասնակից ճանաչելու և պայմանագիր կնքելու մասին որոշումները:

- ընդունել «Աքվա Ստանդարտ» ՍՊԸ-ի հայտում առկա անհամապատասխանությունները շտկելու մասին որոշում:

ՀՀ գնումների հետ կապված բողոքներ քննող անձի ընդունած որոշումն ուժի մեջ է մտնում այն տեղեկագրում հրապարակելուն հաջորդող օրը:

ՀՀ գնումների հետ կապված բողոքներ քննող անձի ընդունած որոշումն իրավապարտադիր է, որը կարող է փոփոխվել կամ վերացվել, այդ թվում՝ մասնակի, միայն դատարանի կողմից:

**ՀՀ ԳՆՈՒՄՆԵՐԻ ՀԵՏ ԿԱՊՎԱԾ
ԲՈՂՈՔՆԵՐ ՔՆՆՈՂ ԱՆԶ՝**



ԼԵՎՈՆ ՕՇԱՆՅԱՆ